

محل مطبعه داراره :

جفـال اوغلـده امنيت

صندوغى جوارنده

شنكول يقوشنده

۲۵ نومرو

مشرق و صراط

۱۳۲۶

اضطار :

مسلكمزه موافق آثار

جدیده مع الممنونیه

قبول اولنور

درج ایدلمه یں آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، احوال و شیوه اسلامیه در بحث ایرد و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلمه دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

بشنجی جلد

۴ محرم پنچشنبه ۲۳ کانون اول ۳۲۶

عدد : ۱۲۲

جمع و نقل ایتدیکي اضداده باقوبده دیملی :
 کشتی نوح نبی نك اوفاجق برموده لی
 قاج عصر دن بری اقوامه درونی سرکی
 فیض آمیزش اوکا صانکه ازلدن ویرکی
 فکر توحید عناصر ایله خادم هپس
 کتیر بر آرایه احمد ایله ماردیروسی
 دیکله من هیچ ده کیزک موجنی ؛ حتی لودوسی
 کچیر قارشیه اورام ایله بقال بودوسی
 اسکیدن قهوهیه چیقمازکن اهالی صاقینوب
 بونک اولمقده ایدی داخلی کویا که قلوب
 صیقیشر سطحنه ملت ده تماس ایلر ایدی
 صانکه برله شمک ایچون وضع اساس ایلر ایدی

بونلرک اسکله سی پیشکهندن برکون
 متفکر کچوردم واپوره بینمک ایچون
 ملکک آهنگی نیچون بویله بوزوق کیمه ده در
 ینه هریرده شکایتی ظهور ایتمه ده در
 بولامازسک آراسه کیمسه ده ممنونیت
 (مسلمان لغت ایدر غیرمسلمان لغت)
 چوغمز لفظ حیتله چالیم صائماده در
 یوتمیور خلق فقط ، کندینی آلداتما ده در
 یوق ایکن طوغرو ، درست بر اوفاجق مکتبمز
 بحث عرفاندنده فلاطون زمانز هیمز
 اکثری تجربه سز نااهل اندرده امور
 عدم تجربه دن هراشمز غرق فتور
 یوقی بر چاره ؟ دیوردم که قاپانسین اوچوروم .
 یورو استانبوله هایدی بر آدام ایستیورم !
 دیه بر صیحه ایشتمده توقف ایتدم
 صوکر اکورمک املیه سسه طوغرو کیتدم :
 بر قایقچی آلاق اوچ کیشی بی تکنه سنه
 مترقب داها بر مشترینک بینمه سنه
 بر آدام ها ! دییه هایقیرماده . قالقوب کیده جک
 بر آدام .. ! ایشه بویچاره بی دلشاد ایده جک

واپور استانبوله ایتشدی توجیه ، بن ایسه
 دوشونوب دالمش ایدم بحر عمیق یاسه
 بر آدام ایسته مه ده باق شوزواللی ، قانع
 او ، بری بولایه - نادر سه ده - یوقدر مانع
 وطنک او یله فقط قحط رجالی وارکه
 ایسته یوب بکله دیک کیمسه دکلدن . بر ، ایکی
 بو آداملر نه وقت بزده ظهور ایله یه جک

ملکی ، همتلری کلزار سرور ایله یه جک
 بونلری مملکته بخش ایله ارب عباد
 شو خرابه وطنی باری سن ایله آباد .
 حسب حالیه تضرع ایدیورکن باقدم :
 کلشنز کوپرویه هرکس کی بن ده قالدنم

طاهر المولوی

بخاراده تکرار مکتب قاوغاسی

بخارایی شریفده اصول صوتیه طرزنده آچیلان مکتب جدید
 تکرار قیاتدریلمشدر . کچن سنه علما حضراتی طرفندن - حقیقت
 حقیله اکلاشیله مدیغندن - فتوالرویر یله رک مکتب قیاتدریلمش و بونک
 اوزرینه عالم اسلام ، بخارا علمالرندن مؤثر و دلگیر اولمشدی . نهایت
 علما حضراتی مکتبک لزوم و اهمیتنه واقف اولیه باشلادقندن ، بو
 خصوصده کندیلرینک دین و اسلامیت دشمنلری طرفندن آلداتلد -
 قارینک فرقه واره رق ویردکاری فتوایی کری آلدیلر . حتی خدمت
 شریعت غمراهه مهم بر موقع اشغال ایدن اعلم بخارا غیاث مخدوم افندی
 حضرتلری مکتبک کشادینه تکرار چالیشمه یه باشلامشدر و مفتی
 الاسلام عبدالرزاق افندی حضرتلری ده بوسنه مکتبک ایکنجی دفعه
 کشادینه ممنونیتلرینی بیله اظهار ایتشاردی . بویکی ذات محترم بخاراده
 دین جلیل اسلام محافظی اولدقندن ده هیچ شبهه یوقدر . کرک موقماً
 و کرک علماً اکیوک رتبارلی حائز ذوات محترمه دندلر . بخارا ذوات
 علمیه سنک اکثری بویکی ذاتک پروی بولنیورلر .

ایشته بویکی ذات بوسنه تکرار مکتب صوتیه ابتدائیه نك کشادی
 ایچون تمیناتده بولنمشدر . حتی مکتب مذکورک علمیه انواع افترا -
 لری ایلری سورهرک قیامسی ایچون بیک درلو مفسدت و حیلله لر ترتیب
 ایدن دین و ملت خائللرینک طردینه قدر وارمشدر .

ایشته حارث دین مبین اولان علمای ذوی الاحترام ، مکتبک
 آچیلیمسینه بوقدر ابدال مساعی ایتیه باشلامشدر ایکن اوتهدن دینک ،
 اسلامیتک نه اولدیغندن خبری اولمیان میر پایان نظام الدین کندیسنه حامی
 دین سوسنی ویره رک مکتبک قیامسی ایچون تشبثاتده بولنمش ،
 مکتبک قیامسی ایچون معلم محترم مکمل الدین افندینک
 نزدینه کوندرمش اولدینی مأموری واسطه سیله : « اکر مکتبه بر
 ده ایاق آتہ جق اولورسه صورت خفیه ده ینتی باتلاتدیره جقم .
 اوینی فلائی یغما ایتدیره جکم ، ده ایلیم نه لر یایه جقم » کی عادتاً
 بر اشقیا چته رئیسک اغزینه یاقیشیر ، وحشیانه ، خائنه سوزلر ایله
 تهدید ایتمش .

بخارا قاضی کلاننی و داملا دوست دیدکاری احقک برینی
 کندیسنه طرفدار اتخاذا ایدهرک نهایت مکتبی شمذیلک قیامشدر .
 دین و اسلامیت پرده سی التده بویله جاهل بر آدمک بودرجه لرده
 اجرا آتته بخارا علما و فضلاسی عجبا نه نظر ایله باقیورلر ؟ ایشه

بز بونك عاقبتی و نتیجه سنی کورمه یه درت کوز ایله منتظر بولئیورز. چونکه بخارا حکومت مستقله سنك بتون عنعنات اداره سی علما ایله شرع شریف احمدی ایله اداره اولمقده در. دوشونمکی که شریعت غراء محمدیه ایله اداره اولونان بر مملکتک اجرا آتیه ؛ دیندن ، شریعتدن ، اسلامیتدن خبری اولیان جاهل بر طاقم حریرلر مداخله ایدرسه او مملکتک حالی نه اولور . او امتک استقبالی نه اولور ؟ بخارانک بو حال پریشانیده ، بو حال خرابیده بولنمی بتون عالم اسلام ایچون غایت تأسفلی بر واقعه تشکیل ایدیور . ای بخاراده کی دین قارداشلا یوکون یکرمیجی عصر مدنیتده بشریتک بو قدر ترقیاتی قارشوسنده بزم مکتب ابتدائیه غوغاسیله یووارلانماز عبیدر ، اسلامیه شین در . الله بدن ، حضرت پیغمبردن اوتانماز سه کز باری محیطکزدن ، دشمنلر مزدن اوتانکیز .

دشمنلرک ، رقیبلرک بوقدر ترقیات مدنیه سنی کورمه یه رک (۱) حرفی (الف) طایفه زنده می یوقسه (آ) صورتنده می تلفظ ایده لم ؟ دیه نزاع چیقارمه من عبیدر . فیلسوفک بری بر قوم انقراض ، اضحلاله قدم قویدینی زمان اسباب انقراض واضع حالانی کنیدیسی تهیه ایدر « دیمشدر . عجبا بو بونظریه نك عملیاتی بزمی کوستره جکیز ؟ . .

ای دینداشلا ! آرتق یتیشیر . بویله دوام ایده جک اولورسه ق مطلقا بیاملیسکیز که خریطه جهانندن نام و نشانکیز محو اوله جقدر . دهها چوقدن دکل ، کچنلرده سزکده انتباهکیز خبرینی ایشیتمکه مفتخر بولنان عالم اسلامک قارشوسنه بوکون نه یوزله حقیقه جکسکیز ؟ . . ای دینداشلا ! اجداد عظامکیزی . بخارانک شرف قدیمی ، او موقع علمیه سنی دوشونکیز . بوکونکی تعصب و جهالتکیز ایله فصل او مبارک اجدادک احفادی اولمق ادعاسنده بوله جکسکیز . فصل بو نزاع وجدال حاقتکارانه ایله او بخارانک موقع علمیه سنی محافظه ایده جکسکیز ؟ ای محترم قرداشلا ! بر طرفدن اسیر اولمقده یز ، ملک ، وطن ... هپسی هپسی کیتمکده در . دیگر طرفنده کندی آرامزده بتون عالمک استهزا و تمسخرینی موجب اوله جق بویله نزاعلرده بولنورسه ک وای بزم حالزه !

ایشته شرع شریفک قبول ایتدیکی ، امتک قولایلقه او قومسنی ، معارفک تعمیمی ، اسلامک ترقیسنی موجب اوله جق مکتبی قیامق کبی بر طاقم جاهل حریرلرک کوسه تردکلی جرئت جاهلانلرندن طولای ترقی پروران اسلامیه دن اولان فخرامتلو امیر عبدالاحد خان حضر تلیرنک و علمای ذوی الاحترامک نظر دقتلرینی جلب ایتکی ذمت فریضه اسلامیه من بیلیرز .

ن . غ . حسنی

مکاتیب

یکیندن :

فادرم ملت معتبر صراط مستقیم اداره برهمنه کچنلرده اجتماع ایدوب صوکره سوء طماعدن تأخر و تعطیله

اوغرایان جمعیت اسلامیه من یکیدن حیات بولدی . شیمدی وفی مابعد مدرسه مزده انمقاد ایتک اوزره قرار و حکم ویرلدی ، جمعیتک اعضالری ذکی و منور فکری معلمین ایله مکاتب عالییه تلامیذندن مرکب اولوب سکسان بش ذاتدر ، جمعیت عرفه کونی بعدالظهر تجمع ایدوب چینجه نطقلر و خطبهلر ایراد ایتکه باشلادی ، یدی سکیز پولیسده دائم اطرافدن تجسسار ایدیوردی ، بو جمعیتی یکیدن طویلایوب آرده ائتلاف حصوله کتیرنجیه قدر دیلمزک صوبی قورودی ، علمادن بریسی عرفه کچه سی مدرسه یه کلدی : « بو جمعیت اسلامیه مخالفدر ، فساد فی الدیندر ، بونک ایچنه علما کیرمه سون ، ایمانغری ضایع ایدرز » یولنده بر چوق باغیردی چاغیردی ؛ فقط صدرینه شفا ویره جک بر جواب بوله مایچه کا جاء ذهب ، کلیدیکی کبی کیتدی . عجبا بویله بر جمعیتک نزدی فساد اولیور ؟ شمدی بر آز ایلری کلن ذوات دوشونمکده در . اوله بر دوشونمک که آغلار جه سنه . خصوصاً شمدی مجلس مبعوثان اوچ سنه یه تقرب ایلمش اولدینی طولایسیله ده زاده دوشوندیوریور ، اک زینکینلردن و صاحب نفوذدن (مزکوان) ، بوذات امی اولدینی حالحه عوامک خواجه سیدر . سعی مشکور اولسون ، صوک درجده سعی وغیرت ایدیورلر ، بافکیز نه سویلیور بوذات :

— کچنلرده بالواسطه مجلس وکلا ایله مجلس مبعوثانک مقدمه سی اولان مجلسی سیر ایتدیده مسلمانلردن بر فرد کورمه مدم ، دیدم که بریمزک عالمینه بر حکم صادر ارسه ، خونشان (سلطان) ده اراده و موجبنجه فرمان بیورسه بزم مسلمانلر نه یاپه جفز ؟ صوکره بزی ، بزم حقوقری مدافعه ایده جک کیم وار : اییسی می ، شمدی موجودیتیزی کوستره لم . هر فدا کارلغه قاتلانم ، معلوماتلی آدملا یتیشدیر میه سعی ایدلم والا کندی کندمزه محو و پریشان اوله جفز . ماذالله دین محمدی مزی ده غائب ایدرز ... جمعیت شمدی آز ایسده فیما بعد چوق آرته جقدر . سن مراق ایتمه . . .

دیدی . بنده کزده همتلرینی تقدیر و تجسسندن صوکره ، ثبات و دیرام ایلیمسنی رجا ایتدم . شریعت مخالف ذره قدر بر بدعت ، یا خود بر شمه فساد موجود اولمدیغنی افاده ایلدم . آغلادی ، عاجزی ده آغلادتدی . کورسه کز بو ذات شریف نه حمیت مجسمه در ، بویله سنی کوچوک اولدینی حالده

جمعیت اسلامیه نك مقصدی ایسه اوچ بیوک قسم تشکیل ایتک در : جمعیت علمیه ، جمعیت تجاریه ، جمعیت زراعیه . اللهم وفقهم . هرولایتده بر ر شعبه تأسیس ایدیله جک ، برده جمعیت مخصوص هفته لقی بر جریده اوله جقدر . ایشه جمعیتک مقصدی پک کوزلدر ، انشاء الله دهها چوقی چالشمق آرزو ایدیورلر .

بوکونلرده چینلیرک اوزون صاحب لری کیمک هوسنه دوشدیلر . مدرسه مزک طلبه سندن یدی تلمیذک صاحب لری کسدیلر ، امان یارب نه قدر بیوک فدا کارلقدیر ! . . زیرا یکرمی ، اوتوز سنه دنبرو اک قیمتی اولان صاحبی قطع ایتک قدر همت تصور اولنورمی ؟ بعض مکتبلرک عموم طلبه سی صاحبی کسدیلر ، فقط معارف ناظری طرفندن « شیمدن